

¡BOMBA!

A sobrevuelo amerita de saliva el desperdicio, mucho fuego de artificio y una simple campañita



K'intsil

Miércoles 19 de febrero de 2025

CAMPECHE · YUCATÁN · QUINTANA ROO · AÑO 10 · NÚMERO 2421 · www.lajornadamaya.mx

Acción Migrante, túumben kúuchil ti'al u yáant'al táanxel kajil máako'ob yaan México yéetel EU

Arturo Cano / p 29
Oochel Reuters



U noj najil xook Universidad Nacional Autónoma de México (UNAM) yéetel u mola'ayil Secretaría de Relaciones Exteriores (SRE) tu ts'áajo'ob k'ajóoltbil jump'éel plataforma yéetel le ku kaxta'al u belbesa'al yéetel u ts'a'abal jurídica beyxan sicológica áantaj, je'el bix xan kaambal ti'al u ka' táakbesa'al máak meyaj, lela' ti'al máaxo'ob ts'o'ok u jóok'sa'alo'ob Estados Unidos, wa sajbe'entsil yaniko'ob.

Acción Migrante' tán u kaxtik u ts'áak ojéeltbil jurídico ba'alo'ob ti' mexicoil táanxel kajil máak wa máako'ob ti' uláak' noj lu'umo'ob,

máaxo'ob yaan tu ka' tséelil u xuul kaajil ichil México yéetel Estados Unidos, ti'al beyo' u k'ajóoltik ba'ax páajtalilo'ob yaan ti'ob, yéetel ti'al ma' "u ja'ak'saal u yóolo'ob wa u péech'oolta'alo'ob" tumen Servicio de Inmigración y Control de Aduanas (ICE, en inglés) wa je'el ba'ax uláak' mola'ayil, beey úuchik u ya'alaj tu súutukil úuchik u ts'a'abal k'ajóoltbil le meyajá.

Kéen je'ebek u kúuchil Acción Migrante ku chiikpajal jump'éel botón ku ya'alik "Tarjeta de Derechos", ts'o'oke' ku ya'alik: "Wa ka ma'achale, e'es le ju'una' ti' jo'olpóopo'ob ti'al u

chiimpol'ta'al páajtalil yaan tech ti'al a xmukul yantal".

Le je'elo' jump'éel chan ju'un ts'iibta'an ich káasteln yéetel inglés t'aan, ts'o'oke' ma' talan je'el u imprimirta'ali'. Te'elo' yaan jump'éel ts'iib ti'al migra: "Táan in ts'áak tech le ju'una' tumen ma' táan in t'aani, mix taak xan in tsikbal ta wéeteli'... taak in t'aan yéetel juntúul abogado yéetel in t'aan tin consulado ma'ili' in núuk a k'áatchi'ex".

Ti'al u yantal ti' máak le ju'uno, k'a'abéet u yokol te'el kúuchil Interneto, tu'ux yaan u táakpajal u máakilo'ob

u jo'op'éel kúuchilo'ob UNAM ku meyaj'o'ob tu kaajil Los Ángeles, Tucson, San Antonio, Chicago yéetel Boston. Kúuchile' láayli' xan táakmuk'ta'an tumen u red consularil México tu noj lu'umil Estados Unidos.

Kúuchile' béeychaj u yantal úuchik u yantal mokt'aan meyaj ichil SRE yéetel UNAM le diciembre máaniko', ts'o'oke' jts'a'ab k'ajóoltbil jump'éel k'iin tu'ux táakpaj canceller Juan Ramón de la Fuente yéetel rector Leonardo Lomelí, beyxan máako'ob ku meyaj te'el mola'ayo'obo'.